

孝经述注

项
霖

文硕阁

wenshuoge.com

目录

关于我们	3
提要	5
孝经述注原序	6
孝经述注	7

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

孝经述注一卷

【臣】等谨案孝经述注一卷明项霖撰霖始末无可考惟江西志载项霖浙江临海人洪武间为按察司佥事与黄昭原序所言合当即其人也是编用古文孝经本其所诠释不务为深奥之论而循文衍义按章标防词意颇为简明犹說经家之不支蔓者明史艺文志不着錄朱彝尊经义考亦不载其名惟永乐大典仅存此本然编次佚脱以第七章注文入第六章经文下遂使六章无注七章无经今以所佚经文按古文原本补入所佚注文则世无别本无从葺完矣以其沉埋蠹简之内三百余年世无能举其名者今幸际

昌期发其光耀亦万世一时之遭际故特采掇出之俾闻于后不以残缺而废焉乾隆四十六年九月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

孝经述注原序

钦惟圣明天子应天啓运肇造区防薄海内外靡不臣顺首建宗庙报本追遠盖将以孝治天下为子孙帝王万世之业也呜呼盛哉于是内设台宪以振风纪外置察司以纠奸慝法至密矣江西为大藩府物盛人众狱讼繁滋彰善瘝恶树之风声非学有经术廉慎明察者不足以与兹选已酉冬乃命安君智来为宪副项君霖郭君永锡共僉宪事受命陞辞玉音恳恻其所付任不亦重乎安君旧歷显仕有学有猷郭君由神童擢科第累任繁剧项君家世业儒隐居十有余载克承父志著书立言其经济之资盖可想见矣余以盲病告老寓洪三君之来也迺不鄙而枉顾焉耳其言挹其气雍容端重意蔼如也他日宪从事刘君鼎承宪副之意而致辞曰项君之述作固多难以悉举今姑取其集书内孝经注一编将广其传盖乐其有关于治道也敢祈一言以冠之余不得辞乃为之言曰孝百行之原行仁之本也德修于身教成家国而化行乎天下此自然之理也故夫子称舜为大孝而武王周公为天下之达孝然则帝王之治孰有加于孝乎汉文置孝经博士几致刑措唐太宗以孝弟设科而死囚归狱气象虽殊理一而已后世教化不明彝伦攸斁民之犯法也非出于不知则出于不幸不揣其本一切以法绳之刑政日繁民乃不堪是以治日常少而乱日常多也近草庐吴公以孝经分经传正讹阙为是书之防粲然明白今项君又为之注正与吴公互相发明其亦可谓勤已君以观风行部所以发其所用之学迨将信而有征安君又将锓梓以播之使江西之民家有是书人有是德悖慢之俗除礼乐之习兴所谓振风纪者将于是乎在由是推之天下四海人人有士君子之行则尧舜三代之治必将权舆于此其于圣天子孝治天下之心顾不韪欤昭既慕项君学术之正复嘉宪副公与人为善之美于是乎书前提刑按察使副使临川黄昭序

孝经述注

明 项霖 撰

此书孔子传道与曾子本防初言孝之纲领始终及天子诸侯卿大夫士庶人之孝中复次第申言以防绎其义末言臣子及天下之通孝以终焉曾子门人记录尊之曰经凡十有八章旧本颇有错简今从古文更加次第订正略为训诂以便初学

仲尼闲居曾子侍坐子曰参先王有至德要道以顺天下民用和睦上下无怨女知之乎曾子避席曰参不敏何足以知之

孔子有圣德而无其位知道不行故于闲居启发问端欲以古圣王相传之道授于曾子曾子微悟即离席拱听敬受其防与大学中庸论语篇首所记畧同四书皆孔门传授若合符节真万代不刊之典呜呼至哉盖自太初一元之气包含真性性即理也以其天赋与人得之具于心而不失故曰德至者极至无以加尚之称以其循率此德性而行若由大路然故曰道要者总要不紊之谓道德名二而理一圣人因人心本然自有之德性道理以顺天下父子君臣夫妇长幼朋友上下和睦无怨皆由孝道始

子曰夫孝德之本教之所由生复坐吾语女

五常之中仁为心德总要而主慈爱爱莫大于爱亲故孝为德性之根本至于立政教以化治天下皆由教道出然德教二字虽总括一书之纲领而其节目非一言可尽故令曾子还坐而语之如下文诸章所云

身体发肤受之父母不敢毁伤孝之始也立身行道扬名于后世以显父母孝之终也

谨守本分保全承受父母生育之遗体此孝道之有始也明自己德性至于成立及措诸事业扬名显亲此孝道之有终也

夫孝始于事亲中于事君终于立身大雅云无念尔祖聿修厥德

此通结上文孝道始终之义盖事亲事君皆本然之德性能修其德则能立身矣故引诗言岂不思念尔祖父遂修厥德以光显之乎勉其及时立身也而戒其无或失德以忝厥祖之意亦见于言表矣古人语多引诗断章取义通而不固优游咏歌使自得之故其感人也深后凡引诗放此

右第一章言孝之纲领始终

子曰爱亲者不敢恶于人敬亲者不敢慢于人爱敬尽于事亲而德教加于百姓刑于四海盖

天子之孝甫刑曰一人有庆兆民賴之

君王身为百姓标准尽人伦之至可以建皇极自然上行下效使人人皆克爱敬其亲即由己之不恶不慢所推老吾老以及人之老幼吾幼以及人之幼此之谓也不言郊祀者盖谓德教广被措时雍熙天地宗庙百神咸享可知复申于第十六章合而观之其义备矣又引书言天子一人有大福庆则被于四海万姓咸承恩托防以遂其生育教诲之乐而拳拳讽谏之意亦见于言表云或失德无道则乱亡相寻民罹其祸患父母妻子不能相保全尚何賴焉君天下者宜鑒于兹

右第二章言天子之孝

子曰在上不骄高而不危制节谨度满而不溢高而不危所以长守贵满而不溢所以长守富富贵不离其身然后能保其社稷而和其民人盖诸侯之孝诗云战战兢兢如临深渊如履薄冰

古公侯伯子男皆一国之君自封建废今为方伯牧守矣诸侯列爵分土富贵随身能守法不骄斯可长保也社土神稷谷神土谷养民故凡建国则立坛祀之与国存亡不及宗庙者举重而言引诗以寓儆戒战兢临深履薄皆不敢荒宁放逸之意所以喻富贵之难保凛然可惧然其善保封疆福及子孙永享其安乐者亦可见矣

右第三章言诸侯之孝

子曰非先王之法服不敢服非先王之法言不敢道非先王之德行不敢行是故非法不言非道不行口无择言身无择行言满天下无口过行满天下无怨恶三者备矣然后能守其宗庙盖卿大夫之孝也诗云夙夜匪懈以事一人

卿大夫在朝执政之官凡服御名器皆服类凡议论文辞皆言类得于心曰德措诸事曰行三者皆当谨守法度不敢逾越礼分其间言行不待选择自无差失不敢怨憎可见其执德不回守法无二矣引诗戒儆而言其早夜之弗遑宁居者以见其所思所为莫非忠君报国之事也

右第四章言卿大夫之孝

子曰资于事父以事母而爱同资于事父以事君而敬同故母取其爱而君取其敬兼之者父也故以孝事君则忠以敬事长则顺忠顺不失以事其上然后能保其禄位而守其祭祀盖士之孝也诗云夙兴夜寐无忝尔所生

资取也士有禄位之人事母非不敬也而爱心为重事君非不爱也而敬心为重或谓卿大夫士之孝何以异乎盖古人由始仕至命为大夫为卿自有次第故知卿大夫先为士时已行士之孝士后为卿大夫亦然合而观之其意备矣引诗儆勉其动静思为之间循率德义以不忝

祖父为心也

右第五章言士之孝

子曰用天之道因地之利谨身节用以养父母此庶人之孝也故自天子已下至于庶人孝无终始而患不及者未之有也

右第六章言庶人之孝【按第六章原本脱去注文今仍旧第七章原本脱去经文今补入】

子曰君子之教以孝也非家至而日见之也教以孝所以敬天下之为人父者教以弟所以敬天下之为人兄者教以臣所以敬天下之为人君者诗云岂弟君子民之父母非至德其孰能顺民如此其大者乎

使各亲其亲各长其长犹已孝敬之也故引诗优游涵泳其至德而复叹美其盛大如此

右第七章申言至德

子曰教民亲爱莫善于孝教民礼顺莫善于弟移风易俗莫善于乐安上治民莫善于礼

孝弟礼乐教民之要道四者皆本乎人心自有之德性而非外也其见于亲爱曰孝见于恭顺曰弟见于敬让曰礼见于和平曰乐又施之于事君曰忠治民曰政罚其不率教曰刑以至于酬应万变亦何莫非此道之妙用者乎

礼者敬而已矣故敬其父则子悦敬其兄则弟悦敬其君则臣悦敬一人而千万人悦所敬者寡而悦者众此之谓要道也

礼主敬乐主和惟其敬已之父兄君长有限此礼之所以行也自然天下之子弟臣众各敬其亲长人心和悦则乐之所由生也所敬者至简人感化悦从者至多非要道而何

右第八章申言要道

曾子曰甚哉孝之大也子曰夫孝天之经地之义民之行天地之经而民是则之

曾子于是闻至德要道之蕴奥而叹美孝道之大故夫子复申明以顺天下和睦无怨之义以告之经常也义宜也孝乃天地恒常合宜之理具于人心顺奉以行此道贯三才之妙也

则天之明因地之义以顺天下是以其教不肃而成其政不严而治

变经言明者以见德性是天之明命圣人依天地明命恒常合宜之道理顺天下民心本然自

有之德性以设教立政是故不加威猛而致治平因以见道德本心之所自有先王顺之无拂焉尔非加作为以强民之所无也

先王见教之可以化民也是故先之以博爱而民莫遗其亲陈之以德义而民兴行先之以敬让而民不争道之以礼乐而民和睦示之以好恶而民知禁诗云赫赫师尹民具尔瞻

此详言上文法天地顺民心施政教之事教即孝之道道虽一而感化各因其类博爱为仁之用天子君万邦所及者广故以身先之而万民莫不兴孝也德义即天命之性圣王因人心所自有者布诸政事故曰陈民皆感化循率而行则为兴行矣敬让为礼之用和睦为乐之本礼乐之感化上下安定风俗丕变不争即和睦矣又上之好善也有尊贤任能爵赏之政焉其恶恶也有简不率教及怙终之刑焉所以示劝惩也凡此皆不过法天地以躬行于上顺民心以施教于下而已后世之为政者不本诸德义已先无博爱敬让礼乐好恶之实乃强饰文具陈之道之示之而欲民之兴行孝弟不争和睦劝善惩恶难矣乎故引诗以寓警戒之意师尹牧长之官王所任以施教于民者也

右第九章申言以顺天下

子曰昔者明王之以孝治天下也不敢遗小国之臣而况于公侯伯子男乎故得万国之驩心以事其先王遗犹失也以天子之尊接见小国之陪臣且不敢失其驩心则于五等国君朝覲燕享礼仪交接其恩意之厚为何如

治国者不敢侮于鰥寡而况于士民乎故得百姓之驩心以事其先君

无妻曰鰥无夫曰寡无父曰孤无子曰独皆谓穷民以诸侯之贵且不敢侮慢而施恩焉则其礼遇抚爱士民之厚从可知矣

治家者不敢失于臣妾而况于妻子乎故得人之驩心以事其亲

臣妾家臣婢仆也以家主之严御贱 犹不敢失其驩心则于妻子恩义之重不言而喻

夫然故生则亲安之祭则鬼享之是以天下和平灾害不生祸乱不作故明王之以孝治天下也如此诗云有觉德行四国顺之

此结上文以孝治天下国家之效验其发明道心之至和何其深切着明也与至是岂惟亲安鬼享而措时于春风和气中无一物不得其乐然后知孝之功用如此故引诗歌咏之觉大也

右第十章申言民用和睦上下无怨

曾子曰敢问圣人之德其无以加于孝乎子曰天地之性人为贵人之行莫大于孝

曾子至是闻天下和睦之效知孝之德性无以加尚而质问焉故孔子复次第申明德教本原及孝道始终之义以告之夫陰阳五行之理气循环四时以行化育凡生类之有性情者皆本乎天地之情性其间最贵者为人禀五常之全德于心而仁为总要盖亲爱之情自仁中出故孝为百行之原莫有大于此者

孝莫大于严父严父莫大于配天则周公其人也昔者周公郊祀后稷以配天宗祀文王于明堂以配上帝是以四海之内各以其职来助祭夫圣人之德又何以加于孝乎

承上文推言圣王孝道无以加尚之事昔周公制礼知其祖后稷父文王之德同乎天故于郊祀明堂推以配天配上帝以尽其尊祖严父之意非谓歷代天子之祖父无功德者皆可推以配天配上帝然后为孝之大也天以造化之自然而言帝以造化之主宰而言其实一也

故亲生之膝下以养父母曰严圣人因严以教敬因亲以教爱圣人之教不肃而成其政不严而治其所因者本也

上文既极言孝之大此承严父之义复推原孝为德之本云孩提之童无不知爱其亲自生育膝下侍奉父母渐长则严敬之心日加然其爱其敬皆出乎天性非由矫伪强饰圣人顺而导之则民易从所以然者盖曰孝为人心自有德性之根本也

右第十一章申言孝德之本

子曰父子之道天性君臣之义父母生之续莫大焉君亲临之厚莫重焉

此因孝为德之本以明教之所由生父慈子孝天赋本然之德性君令臣共其义一也父母生育所以续其身君上临教所以厚其生故恩义之大之重莫有加焉

子曰不爱其亲而爱他人者谓之悖德不敬其亲而敬他人者谓之悖礼以顺则逆民无则焉不在于善而皆在于凶德虽得之君子所不贵

凡一章之内重书子曰者若非问答之辞则语有更端故也此言小人逆理失教之事悖违逆也孝本顺理而反逆之民无则焉者以其爱敬失伦违逆天理不顺无足取法也德本善性而反为凶故虽得位临民而不足贵者以上无善政下无法守近于防亡也

君子则不然言斯可道行斯可乐德义可尊作事可法容止可观进退可度以临其民是以其民畏而爱之则而象之故能成其德教而行其政令诗云淑人君子其仪不忒

此言君子顺理立教之事言斯可道即言满天下无口过也行斯可乐即行满天下无怨恶也凡其言行德义设施威仪动静无一不本诸天性顺乎人情故可尊可法可观可度以之临民则民敬之如神明爱之如父母莫不感化悦从以取法焉而立教之道备于此矣所以然者盖

人心所自有之德性以立教故也卒引诗歌咏善人君子之德美其能敬慎威仪不差忒可为民则也

右第十二章申言教之所由生

子曰孝子之事亲居则致其敬养则致其乐病则致其忧防则致其哀祭则致其严五者备矣然后能事亲致极也五者极尽事亲始终之道故曰能然其敬乐忧哀严虽发乎情而皆本乎自然之德性无一毫外假

事亲者居上不骄为下不乱在丑不争居上而骄则亡为下而乱则刑在丑而争则兵此三者不除虽日用三牲之养犹为不孝也

人子先能安分保身不貽父母之忧然后得以遂甘防奉养之欢丑众也

子曰五刑之属三千而罪莫大于不孝要君者无上非圣人者无法非孝者无亲此大乱之道也

承上文不孝而言五刑墨劓剕宫大辟要者挟求之意非者违背之谓君王为百姓主圣人为万世法父母有生育之恩犯此则为无父无君违法之人刑所必加以致毁伤其身敢不敬与

右第十三章申言始于事亲及不敢毁伤

子曰君子事上进思尽忠退思补过将顺其美匡救其恶故上下能相亲诗云心乎爱矣遐不谓矣中心藏之何日忘之

进仕则思尽自己忠心致君于圣明退闲则思补自己过失增益其所不能君欲行善事则开导赞引顺承以行之恶事则委曲谏诤正救以止之故君臣上下同心戮力而政教成矣引诗歌咏言臣有真实爱君之心岂谓疏远而暂忘末二句尤见拳拳爱君不忘之诚此忠厚之至也

右第十四章申言中于事君

子曰闺门之内具礼矣乎严父严兄妻子臣妾犹百姓徒役也

具备也故礼备于家而治成于国矣在家之严父严兄即在国之尊君敬长也在国之抚百姓即在家之爱妻子恤其饥寒也在国之御徒役犹在家之有仆妾供使知其劳困也然其敬爱之施虽有亲疏先后之伦而无彼我远近之间故上下能相亲睦以致天下和平后世治家者不达絜矩之道胶蔽亲疏妄分彼我呢爱于闺门以恩掩义敛怨于士庶以防胜恩故常乱多治少可胜叹哉

子曰君子之事亲孝故忠可移于君事兄弟故顺可移于长居家理故治可移于官

承上文而言以见孝亲弟兄忠君顺长理家治国之事皆本乎德性无有不通故君子不出家而成教于国

是以行成于内而名立于后世矣

通结上文以其尽修齐治平之道故能立身扬名显亲

右第十五章申言终于立身及扬名于后世以显父母

子曰昔者明王事父孝故事天明事母孝故事地察长幼顺故上下治天地明察神明彰矣

天地父母一气贯通明昭著察鉴谛亦该仰观俯察之义圣王道心纯一通明素与天合故于此章推事父母诚敬之心以事天地则仰观俯察之际宜神只之昭著鉴谛也以至尊尊卑卑上下和平亦无所往而不贯通益见道心周流如四时之错行如日月之代明至有不可以言喻

故虽天子必有尊也言有父也必有先也言有兄也宗庙致敬不忘亲也修身慎行恐辱先也宗庙致敬鬼神着矣

承上文申明事父兄宗庙祭祀之义以扩充其践履刑于四海之盛也

孝弟之至通于神明光于四海无所不通诗云自西自东自南自北无思不服

通结上文因引诗歌咏而极言其功效之广大益可见圣王至孝之发用即天地鬼神之变化浑然贯通无所间隔夷夏咸服六合同风莫非至诚之验也欤右第十六章申言天子之孝

曾子曰若夫慈爱恭敬安亲扬名参闻命矣敢问子从父之令可谓孝乎

曾子至是既悉闻申明孝道之详已神会心融乃复启问其余蕴故孔子又告以臣子及天下之通孝以终焉

子曰是何言与是何言与昔者天子有争臣七人虽无道不失其天下诸侯有争臣五人虽无道不失其国大夫有争臣三人虽无道不失其家士有争友则身不离于令名父有争子则身不防于不义

此断以孝之大义所以解千载之惑也历代天子诸侯卿大夫之无道者必至于亡天下败国家以其有争臣谏劝正救之能改过迁善故得不失令善也

故当不义则子不可以弗争于父臣不可以弗争于君故当不义则争之从父之令又焉得为孝乎

通结上文自天子至于庶人一有不义为臣子者必当谏劝救正勿防君父于恶而以顺从为忠孝也右第十七章申言臣子之通孝

子曰孝子之丧亲哭不偯礼无容言不文服美不安闻乐不乐食防不甘此哀戚之情

哀戚之情出乎天性自然非假强饰偯哭有余剩转曲声容善容仪以饰观美凡有一毫矫伪不诚则失其本性矣

三日而食教民无以死伤生毁不灭性此圣人之政防不过三年示民有终

圣人顺中正以制礼使贤者俯而就之不肖者跂而及之

为之棺槨衣衾而举之陈其簠簋而哀戚之擗踊哭泣而哀送之卜其宅兆而安厝之为之宗庙以鬼享之春秋祭祀以时思之

外棺曰槨簠簋祭器擗手击胷踊足顿地宅兆坟莹也孝子事亲始终之道爱敬侍养所以奉其生也棺衾敛葬所以藏其魄也陈奠哭恻所以哀其亡也宗庙祭祀所以安其灵而永孝思也凡养生送死奠祭之义莫不因其本然自有之德性以尽其终身孺慕诚孝之心而已矣

生事爱敬死事哀戚生民之本尽矣死生之义备矣孝子之事亲终矣

总括一书孝道始终之义何其着明周备若斯其至乎

右第十八章申言天下之通孝

于戲是经頼有神明防卫幸逃秦火之厄运文章照映简编经纬天地同乎日月真希世至寶圣王建中立极之心法修齐治平之事实粲然具载而人道备于此矣后之受读者玩索精微以悟道心纯一贯通之神妙何啻亲炙圣人而传道统也欤